



ZAPISNIK O RADU 39. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 07.02.2019. GODINE

Broj: 01-GV-02-167/19

Datum: 07.02.2019. godine

Prisutni:

1. Dr. Igor Gavrić, Predsjedavajući Gradskog vijeća
2. Edina Gabela, zamjenica Predsjedavajućeg Gradskog vijeća
3. Mr. Tea Mušić, predsjedavajuća Kluba gradskih vijećnika SBB
4. Bajro Biber, predsjedavajući Kluba gradskih vijećnika BOSS - USD
5. Adnan Talić, zamjenik predsjedavajućeg Kluba gradskih vijećnika „ASA“
6. Samir Fazlić, predsjedavajući Kluba gradskih vijećnika Naše stranke
7. Lana Velić, zamjenica predsjedavajuće Kluba gradskih vijećnica DF - Omukić
8. Vedran Dodik, predsjedavajući Kluba gradskih vijećnika GRAĐANSKI SAVEZ – SAVEZ ZA STARI GRAD
9. Srđan Srdić, predsjedavajući Kluba samostalnih gradskih vijećnika Srdić - Stojnić
10. Safet Krajišnik, sekretar Gradskog vijeća

Odsutni:

11. Mira Jurić, zamjenica Predsjedavajućeg Gradskog vijeća (najavljen izostanak)
12. Prof. dr. Velija Katica, predsjedavajući Kluba gradskih vijećnika SDA (najavljen izostanak)
13. Miro Lazović, predsjedavajući Kluba gradskih vijećnika SDP-a (najavljen izostanak)

Sjednici je prisustvovala, u ime Gradonačelnika, Subha Krajišnik, pomoćnica Gradonačelnika za opću upravu i zajedničke poslove.

Sjednici je prisustvovala Dubravka Muminović Klašnja, šefica Odsjeka za kabinetske poslove u Gradskoj službi za Gradsko vijeće.

Sjednici je prisustvovala Zinaida Beširević, šefica Odsjeka za stručne poslove u Gradskoj službi za Gradsko vijeće.

Predsjedavajući Gradskog vijeća Dr. Igor Gavrić je otvorio sjednicu, pozdravio prisutne i konstatovao kvorum za punovažan rad i odlučivanje.

Bez rasprave, na prijedlog Predsjedavajućeg Gradskog vijeća, jednoglasno je usvojen Zapisnik o radu 38. sjednice Kolegija Gradskog vijeća Grada Sarajeva održane 04.01.2019. godine.

Na prijedlog Predsjedavajućeg, jednoglasno je usvojen sljedeći **dnevni red**:

1. Priprema za održavanje 24. sjednice Gradskog vijeća Grada Sarajeva
2. Tekuća pitanja

Ad 1)

a. Termin održavanja sjednice i dinamika aktivnosti u pripremi 24. sjednice Gradskog vijeća

Predsjedavajući Gradskog vijeća je najavio mogućnost da se 24. sjednica Gradskog vijeća održi umjesto u srijedu 27.02.2019. godine, u srijedu 20.02.2019. godine.

Na prijedlog Predsjedavajućeg Gradskog vijeća, jednoglasno je usvojen sljedeći **zaključak**:

- 24. sjednica Gradskog vijeća će se održati 20.02.2019. godine ili 27.02.2019. godine, u Vijećnici, s tim ukoliko se sjednica održi 20.02.2019. godine, bit će po skraćenim rokovima, a što su prihvatili članovi Kolegija Gradskog vijeća;
- Predlagači će materijale dostaviti Predsjedavajućem Gradskog vijeća 08.02.2019. godine do 12:00 sati;
- Sjednice radnih tijela u pripremi ove sjednice održat će se u sedmici koja počinje s ponedjeljkom 11.02.2019. godine;
- Pozivi gradskim vijećnicima će se uputiti najkasnije u četvrtak 14.02.2019. godine.

b. Praćenje realizacije Programa rada Gradskog vijeća Grada Sarajeva

Poslije rasprave, konstatovano je, odnosno zaključeno sljedeće:

Informacija o toku realizacije presude Ustavnog suda FBiH u smislu prenošenja nadležnosti lokalne samouprave sa Kantona Sarajevo na Grad Sarajevo, programirana za razmatranje u februaru mjesecu, prema informaciji Gradonačelnika nije spremna, i neće biti uvrštena u prijedlog dnevnog reda 24. sjednice Gradskog vijeća.

Nacrt Odluke o usvajanju Regulacionog plana „Reljevo“ sa Odlukom o provođenju Regulacionog plana „Reljevo“, programiran za razmatranje u februaru mjesecu, prema informaciji Gradonačelnika nije spreman, i neće biti uvršten u prijedlog dnevnog reda 24. sjednice Gradskog vijeća.

Nacrt Odluke o usvajanju Izmjena i dopuna Regulacionog plana „Kvadrant C1-Marijin dvor“ sa Odlukom o provođenju Izmjena i dopuna Regulacionog plana „Kvadrant C1-Marijin dvor“, programiran za razmatranje u februaru mjesecu, prema informaciji Gradonačelnika spreman je, te se očekuje u prijedlogu dnevnog reda 24. sjednice Gradskog vijeća.

Prijedlog Odluke o pristupanju Projektu postavljanja kontejnera za elektronski otpad ravnomjerno na području grada Sarajeva, programiran za razmatranje u februaru mjesecu, prema informaciji Gradonačelnika nije spreman, i neće biti uvršten u prijedlog dnevnog reda 24. sjednice Gradskog vijeća.

Prijedlog Odluke o izmjenama i dopunama Odluke o korištenju, održavanju i čuvanju vodotoka na području grada Sarajeva, programiran za razmatranje u februaru mjesecu, prema informaciji Gradonačelnika nije spreman, i neće biti uvršten u prijedlog dnevnog reda 24. sjednice Gradskog vijeća.

Izvještaj o aktivnostima Grada Sarajeva u oblasti međunarodne saradnje u 2018. godini, programiran za razmatranje u februaru mjesecu, prema informaciji Gradonačelnika spreman je, te se očekuje u prijedlogu dnevnog reda 24. sjednice Gradskog vijeća.

Nacrt Odluke o provođenju Elaborata o mogućim lokacijama za postavljanje spomenika, spomenobilježja i spomen-ploča na području grada Sarajeva od značaja za Grad Sarajevo, programiran za razmatranje u februaru mjesecu, prema informaciji Gradonačelnika spreman je, ali u formi prijedloga, te se očekuje u prijedlogu dnevnog reda 24. sjednice Gradskog vijeća.

Nacrt Odluke o donošenju akcionog plana rodne ravnopravnosti Grada Sarajeva za sljedeći trogodišnji period, programiran za razmatranje u februaru mjesecu, prema informaciji Gradonačelnika nije spreman, te neće biti uvršten u prijedlog dnevnog reda 24. sjednice Gradskog vijeća.

Umjesto Nacrta Programa čuvanja, održavanja i zaštite spomenika od značaja za Grad Sarajevo u 2019. godini, koji je planiran za razmatranje u februaru mjesecu, prema informaciji Gradonačelnika, spreman je Prijedlog Odluke o davanju saglasnosti na Program čuvanja, održavanja i zaštite

spomenika od značaja za Grad Sarajevo u 2019. godini, koji se upućuje Komisiji za spomenike Gradskog vijeća, radi davanja saglasnosti.

Kolegij Gradskog vijeća je upoznat da će Gradonačelnik i Pravobranilaštvo Grada Sarajeva uputiti informativni materijal:

- Program rada Gradonačelnika Grada Sarajeva za 2019. godinu,
- Program rada Pravobranilaštva Grada Sarajeva za 2019. godinu

c. Novi prijedlozi

Poslije rasprave konstatovano je odnosno zaključeno sljedeće:

Obzirom da je Samir Fazlić, predsjedavajući Kluba Gradskih vijećnika Naše stranke, najavio da će, u petak 08.02.2019. godine, biti dostavljeni prijedlozi za razrješenje odnosno izbor članova radnih tijela Gradskog vijeća, prijedlozi odluka o razrješenju odnosno imenovanju članova radnih tijela Gradskog vijeća Grada Sarajeva očekuju se u prijedlogu dnevnog reda 24. sjednice Gradskog vijeća.

Prijedlog Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo spreman je, te se očekuje u prijedlogu dnevnog reda 24. sjednice Gradskog vijeća.

Prijedlog Odluke o utvrđivanju i sufinansiranju sportskih manifestacija od posebnog interesa za Grad Sarajevo spreman je, te se očekuje u prijedlogu dnevnog reda 24. sjednice Gradskog vijeća.

Prijedlog Odluke o izmjenama i dopunama Odluke o pristupanju izradi Regulacionog plana „Švrakino selo - Aneks“ spreman je, te se očekuje u prijedlogu dnevnog reda 24. sjednice Gradskog vijeća.

Prijedlog Odluke o utvrđivanju javnog interesa pristupanju realizaciji Projekta izgradnja ski staze Trebević i pratećih objekata spreman je, te se očekuje u prijedlogu dnevnog reda 24. sjednice Gradskog vijeća.

Prijedlog Odluke o pristupanju realizaciji Projekta obnove i rehabilitacije historijske građevine - zgrade željezničke stanice Bistrik u Sarajevu kao nacionalnog spomenika, te davanje saglasnosti i ovlaštenja Gradonačelniku i Pravobranilaštvu Grada Sarajeva za rješavanje imovinsko - pravnih odnosa unutar zgrade stanice Bistrik spreman je, te se očekuje u prijedlogu dnevnog reda 24. sjednice Gradskog vijeća.

U februaru mjesecu je programirano da Gradsko vijeće razmatra dodjelu priznanja i nagrada Grada Sarajeva.

Komisija za izbor i imenovanja će razmatrati pristigle prijedloge, te ukoliko utvrdi prijedloge odluka za Gradsko vijeće, i ovi prijedlozi će biti uvršteni u prijedlog dnevnog 24. reda sjednice.

1. Prijedlog Odluke o dodjeli priznanja „Počasni građanin Grada Sarajeva“(dr.Alois Mock)
2. Prijedlog Odluke o dodjeli priznanja „Počasni građanin Grada Sarajeva“(Mirjana Karanović)
3. Prijedlog Odluke o dodjeli priznanja “Plaketa Grada Sarajeva“ (prof.dr.Jasmin Džindo)
4. Prijedlog Odluke o dodjeli nagrade „Sarajevska pahuljica“(Malonogometna Reprzentacija BiH osoba sa dijabetesom)

Obzirom da je Samir Fazlić, predsjedavajući Kluba Gradskih vijećnika Naše stranke, najavio da će, u petak 08.02.2019. godine, biti dostavljeni prijedlozi za dodjelu priznanja očekuje se da će i ove prijedloge razmatrati Komisija za izbor i imenovanja.

Mogući dnevni red 24. sjednice Gradskog vijeća

1. Prijedlozi odluka o razrješenjima članova radnih tijela Gradskog vijeća Grada Sarajeva
2. Prijedlozi odluka o izboru članova radnih tijela Gradskog vijeća Grada Sarajeva
3. Prijedlozi odluka o dodjeli priznanja, odnosno nagrada Grada Sarajeva
4. Prijedlog Odluke o izmjenama i dopunama Odluke o pristupanju izradi Regulacionog plana „Švrakino selo - Aneks“
5. Prijedlog Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo
6. Prijedlog Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo
7. Prijedlog Odluke o utvrđivanju javnog interesa pristupanju realizaciji Projekta izgradnja ski staze Trebević i pratećih objekata
8. Prijedlog Odluke o pristupanju realizaciji Projekta obnove i rehabilitacije historijske građevine – zgrade željezničke stanice Bistrik u Sarajevu kao nacionalnog spomenika, te davanje saglasnosti i ovlaštenja Gradonačelniku i pravobranilaštvu Grada Sarajeva za rješavanje imovinsko – pravnih odnosa unutar zgrade stanice Bistrik
9. Prijedlog Odluke o provođenju Elaborata o mogućim lokacijama za postavljanje spomenika, spomen-obilježja i spomen-ploča na području grada Sarajeva od značaja za Grad Sarajevo
10. Izvještaj o aktivnostima Grada Sarajeva u oblasti međunarodne saradnje u 2018.godini
11. Nacrt Odluke o usvajanju Izmjena i dopuna Regulacionog plana „Kvadrant C1-Marijin dvor“ sa Odlukom o provođenju Izmjena i dopuna Regulacionog plana „Kvadrant C1-Marijin dvor“
12. Vijećnička pitanja i inicijative

Informativni materijal

1. Program rada Gradonačelnika Grada Sarajeva za 2019. godinu
2. Program rada Pravobranilaštva Grada Sarajeva za 2019. godinu

Ad 2)

Predsjedavajući Gradskog vijeća je upoznao članove Kolegija da je potrebno donijeti akt koji se odnosi na dodjelu određenih priznanja (lente i druge vrste priznanja) za vijećnike i funkcionere Gradskog vijeća Grada Sarajeva, a koji će se uručiti prilikom izbora odnosno prestanka mandata vijećnika, predsjedavajućeg Gradskog vijeća, zamjenika Predsjedavajućeg, gradonačelnika i zamjenika Gradonačelnika.

U diskusiji je naglasio da akt može donijeti Administrativna komisija Gradskog vijeća, obzirom da je djelokrugom Administrativne komisije propisano donošenje takvog akta.

Nakon rasprave, u kojoj su učestvovali i ostali članovi Kolegija, jednoglasno je donesen sljedeći **zaključak:**

Zadužuje se Gradska služba za Gradsko vijeće da, u što kraćem roku, pripremi prijedlog predmetnog akta, kako bi se isti uputio, putem Predsjedavajućeg Gradskog vijeća, Administrativnoj komisiji Gradskog vijeća, na donošenje.

Predsjedavajući Gradskog vijeća je podsjetio prisutne članove Kolegija, da je prema Kalendaru obilježavanja datuma i događaja od značaja za Grad Sarajevo, od 08. do 14.02.2019.godine, planirana Zajednička svečana akademija Gradskog vijeća i OKBiH, kao i kulturne i sportske manifestacije, ali da ove aktivnosti neće biti realizovane, radi održavanja EYOF-a.

Predsjedavajući Gradskog vijeća je podsjetio članove Kolegija na obavezu pripremanja Zajedničke svečane akademije (Grad Sarajevo - Kanton Sarajevo - općine) u povodu 01. Marta - Dana nezavisnosti Bosne i Hercegovine, te da su nosioci obilježavanja Odjeljenje za kabinetske poslove i Odjeljenje za odnose s javnošću u Stručnoj službi Gradonačelnika grada Sarajeva, a kako bi se blagovremeno pripremio program polaganja cvijeća i završile ostale akativnosti.

Predsjedavajući Gradskog vijeća je podsjetio članove Kolegija na obavezu dostavljanja izvještaja klubova gradskih vijećnika o utrošku finansijskih sredstava, doznačenih klubovima iz Budžeta Grada Sarajeva u 2018. godini.

Predsjedavajući Gradskog vijeća je izvjestio članove Kolegija da je općinski vijećnik Podžo Adnan na 21. sjednici Općinskog vijeća Općine Novi Grad Sarajevo pokrenuo Inicijativu za izmjenu naziva Olimpijskog bazena „Otoka“, koju je Općinsko vijeće podržalo i koja je dostavljena Gradu Sarajevu na dalje postupanje.

Poslije rasprave, Kolegij je, jednoglasno, usvojio sljedeći **Zaključak:**

Ne prihvata se Inicijativa, koju je pokrenuo općinski vijećnik Podžo Adnan na 21. sjednici Općinskog vijeća Općine Novi Grad Sarajevo, za izmjenu naziva Olimpijskog bazena „Otoka“, a o čemu će podnosilac Inicijative biti pismeno obaviješten.

Poslije rasprave, koja je vođena vezano za kosi lift na Ciglanama, Kolegij je, jednoglasno, usvojio sljedeći **Zaključak:**

Potrebno je da Gradonačelnik za narednu sjednicu Kolegija Gradskog vijeća pripremi i dostavi cjelovitu Informaciju o kosom liftu na Ciglanama.

Gradska vijećnica Lana Velić je izvjestila članove Kolegija o službenom putu u Dubrovnik povodom svečane proslave Dana Grada Dubrovnika.

Govoreći o posjeti delegacije Grada Sarajeva Gradu Dubrovniku, gradska vijećnica Lana Velić ukazala je na niz propusta vezanih sa organizacijom te posjete, od strane nadležne službe (Gradska služba za lokalnu samoupravu i razvoj grada - Odsjek za razvoj grada i međunarodnu saradnju).U toku rasprave, u kojoj su sa sličnim primjedbama učestvovali i ostali članovi Kolegija, Kolegij Gradskog vijeća je, posebno uzimajući u obzir učestale pritužbe gradskih vijećnika na uočene organizacijske probleme, ispoljene pri ovom a i drugim odlascima delegacija Grada u službene posjete, jednoglasno, usvojio **Zaključak:**

- Organizacija službenih posjeta delegacija Grada Sarajeva iziskuje da nadležna služba (Odsjek za razvoj grada i međunarodnu saradnju) blagovremeno i ažurno vrši sve administrativne poslove na pripremi i organizovanju tih posjeta, u stalnom kontaktu i sinhronizaciji sa Odjeljenjem za protokolarne poslove.
- Posebno je naglašeno da odluke i nalozi za službena putovanja, te sve informacije o putovanju i smještaju (vrijeme polaska, način putovanja, rezervacija smještaja) budu blagovremeno razmjenjeni sa članovima delegacije i domaćinima.

- Od iznimne važnosti za ugled same delegacije, a time i Grada Sarajeva, je da članovima delegacije na vrijeme budu pripremljeni i predati protokolarni pokloni, uz jasna uputstva o dužnosnicima kojima isti treba da se uruče.

Rasprava se vodila vezano za obaveze gradskih vijećnika na otvaranju EYOF-a, te je Predsjedavajući Gradskog vijeća upoznao prisutne sa dijelom protokola svečanog otvaranja manifestacije i obavezama gradskih vijećnika.

SEKRETAR GRADSKOG VIJEĆA
Safet Krajišnik, s.r.

PREDSJEDAVALJUĆI GRADSKOG VIJEĆA
Dr. Igor Gavrić, s.r.